

Theses utriusque juris.

Numéro d'inventaire : 1980.00012.38

Auteur(s) : Charles Henri Pierre Chevallier Desessarts

Type de document : affiche

Éditeur : non renseigné (Paris)

Imprimeur : Veuve Ballard

Période de création : 4e quart 18e siècle

Date de création : 1786

Description : Une feuille de papier bruni et taché. Des déchirures ont été réparées par du papier collé au verso. Perforations aux coins. Estampe dans la partie supérieure.

Mesures : hauteur : 722 mm ; largeur : 503 mm

Notes : Affiche annonçant les thèses de droit civil et de droit canon que doit défendre, pour l'obtention du baccalauréat, Charles Chevallier Desessarts (peut-être des Essarts), le samedi 11 mars 1786, à Paris. Les articles de droit civil traitent des mandats. Les articles de droit canon portent sur les privilèges, c'est-à-dire des droits spéciaux attachés à une personne ou à un lieu. L'estampe représente apparemment Charlemagne, au ciel entouré de deux angelots.

Mots-clés : Affiches de thèses et d'exercices publics

Filière : Université

Niveau : Supérieur

Autres descriptions : Langue : Français

Nombre de pages : 1

ill.



PATRI OPTIMO.

THESES UTRIUSQUE JURIS.

EX MATERIA SORTITO DUCTA.

CANONICI.

Ex Cap. 1. Extr. De Privilegiis.

P RIVILEGIUM sic dictum quasi privata lex, definiri potest jux singulare, quod certæ persone, certo-vē loco concessum est, ut trahi non debeat ad consequentias.

I tantum possunt concedere privilegia, qui juris condendi potestatem habent, ut Summus Pontifex & Episcopi; concilia etiam generalia quædam privilegia & concessisse & ademisse constat.

D UPLICIS generis distinguuntur privilegia; personalia, & realia: personalia sunt, quæ certæ persone, vel certo personarum generi concessa sunt; realia, quæ rei, puta dignitati vel locis coherent.

E XEMPLUM personalia privilegii occurrit in eo, quod Cisterciensibus, Templariis, Hospitalariisque concessum est, nē de propriis prædiis, quæ coherent ipsi, decimas solverent.

R EALE utique privilegium est in honorem status Episcopalis introductum, ut tantæ dignitatis cathedra non constituitur, nisi apud majores populos, frequentioresque civitates.

C OMMUNE, id est, omnibus privilegiis, ut strictissimam recipiant interpretationem: sic privilegium decimas in alienâ parochiâ percipiendi non porrigitur ad novales.

S I qui concessit privilegium, vitâ functus fuerit, idque successor ejus renovaverit, innovavit privilegii ab eo facti novum jus privilegiato non tribuit, vetus tantum conservat.

A MITTUNTUR privilegia pluribus modis, maxime si is, cui concessum est privilegium, eo sit abusus, renuntiatione etiam & prescriptione; non tamen unico actu tolluntur.

R ELIGIOSI, quibus à Romanâ sede concessum est, ut beneficia à monasterio pendentia non aliter usibus applicent, mortui iis, qui ea obtinebant, in eorum possessionem ab ordinario sunt inducendi.

Has Theses ex auroque Jure, Deo duce, auspice Dei-parâ, & Præside CL.F.D. NATALI CLAUDIO NICOLAO DE LATTRE, J.U.D. Antecessore, & Decano, nec non & Censore Regio, tueri conabitur CAROLUS-HENRICUS-PETRUS CHEVALLIER DESESSARTS, Parisinus, die Sabbati 11 Martii, anno Dom. 1786, ab undecimâ ad primam.

Aderunt cum jure suffragii sorte ducti Clar. D.D. Drouot, Godefroy, Berthelot, Demante, Gravier.

PARISIIS,

IN SCHOLIS JURIS.
PRO BACCALAUREATU.

Apud Viduam BILLARD, Consulem Facultatis Typographum, viâ Mathuriniensium.

CIVILIS.

Ex Lege 4. Cod. Mandati.

M ANDATUM est contractus nominatus bonæ fidei synallagmaticus solo consensu constans, quo negotium aliquod honestum gratuito gerendum fulcipienti procuratori committitur.

C ONTRAHITUR quinque modis, sive suâ tantum gratiâ aliquis tibi mandat, sive suâ & tuâ, sive suâ & alienâ, sive tuâ & alienâ.

M ANDATUM aliud est generale, aliud speciale, generale rursus duplex, aliud cum liberâ rerum administratione, aliud sine liberâ rerum administratione.

S I speciale mandatum sit, mandati fines diligenter custodiendi sunt, quos excedere mandatarius non potest.

L ICET mandatum proficiscatur ex officio & amicitia, tamen recipit salarium, quod consistit in modico aliquo in recognitionem bene memoris ac grati animi largito.

Q UATUOR finitur modis, primo revocatione si res integra sit nihilque interfit mandatoris, secundo renuntiatione tempestivâ, tertio morte mandatoris, quibusdam exceptis casibus, quarto morte mandatarii re integrâ.

E X mandato duplex oritur actio; nempe directa & contraria.

D IRECTA quæ famosa est, datur domino adversus procuratorem ut administrationis rationem reddat ad exactissimam diligentiam, & ut, quantumcumque emolumentum sensit ex negotiis mandatarii id præstet.

C ONTRARIA datur mandatario ut sumptus quos fecit recuperet cum usuris, & omnia quæ impendit propter mandati ipsius causam, & damna quæ propter eandem passus est, reficiantur.

